

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE

Dom naroda

Broj: 02/c-14 - 381/15

Sarajevo, 18. 3. 2015. godine

Na temelju člana 64. stav (1) tačka a), člana 70. st. 1., 3. i 6. Zakona o javnim nabavkama („Službeni glasnik BiH“, broj 39/14) i člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, broj: 02/c-14-165/15 od 28.1.2015. godine, na Preporuku Komisije za provođenje postupka javne nabavke Doma naroda Parlamenta Federacije Bosne i Hercegovine broj: 02/c-14-248/15 od 18.3.2015.godine, u postupku javne nabavke pružanje usluga popravki i održavanja motornih vozila Doma naroda Parlamenta Federacije Bosne i Hercegovine u konkurentskom zahtjevu za dostavu ponuda, sekretar Doma naroda, je donio

ODLUKU
o izboru najpovoljnijeg ponuđača

Član 1.

Prihvata se Preporuka Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 02/c-14-248/15 od 18.3.2015.godine i ugovor za javnu nabavku pružanje usluga popravki i održavanja motornih vozila Doma naroda Parlamenta Federacije Bosne i Hercegovine u konkurentskom zahtjevu za dostavu ponuda, dodjeljuje se ponuđaču **Bunjo d.o.o., Sarajevo**, ponuda J.O./25-2015 od 10.3.2015.godine, za ponuđenu cijenu 8,20 KM/sat, bez PDV-a, kao najbolje ocijenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Bunjo d.o.o. Sarajevo, po proteku roka od 10 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke odgovoran je sekretar Doma naroda Parlamenta Federacije Bosne i Hercegovine.

Član 4.

Ova odluka objavit će se na web-stranici Doma naroda Parlamenta Federacije Bosne i Hercegovine., istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

O b r a z l o ž e n j e

Komisija za javnu nabavku imenovana je Rješenjem broj: 02/c-14-1540/14 od 24.12.2014 godine. Postupak javne nabavke pokrenut je Rješenjem o pokretanju postupka javne nabavke broj: 02/c-14- 284 /15. Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 14.000,00 KM.

Obavijest o nabavci broj: 56-7-2-5-3-2/15 poslata je na objavu dana 3.3.2015. godine, a objavljena je na Portalu javnih nabavki dana 3.3.2015.godine.

Zahtjev za dostavu ponuda je prosljeđen sljedećim ponuđačima (istovremeno sa slanjem obavijesti na Portal javnih nabava):

- Ponuđaču: ASA PVA d.o.o. , Bulevar Meše Selimovića 16, 71 000, Sarajevo,
- Ponuđaču: AC QUATRO d.o.o., Put Života 1, 71 000, Sarajevo,
- Ponuđaču: SARADIS, d.o.o. Donji Hotonj b.b., Vogošća.

Na navedeni zahtjev za dostavu ponuda blagovremeno su pristigle su sljedeće ponude:

1. Bunjo d.o.o., Sarajevo, Alipašina bb Sarajevo,
2. AC QUATRO d.o.o., Put Života 1, 71 000, Sarajevo
3. ASA PVA d.o.o. , Bulevar Meše Selimovića 16, 71 000, Sarajevo

Komisija za javnu nabavku dostavila je dana 18.3.2015. godine, zapisnik o ocjeni ponuda i Preporuku o izboru najpovoljnijeg ponuđača broj: 02/c-14-248/15 od 18.3.2015.godine, u postupku javne nabavke pružanje usluga popravki i održavanja motornih vozila Doma naroda Parlamenta Federacije Bosne i Hercegovine.

U postupku po izvještaju o radu je utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3.
- da su blagovremeno zaprimljene 3 ponude.
- da su neblagovremeno zaprimljene 0 ponuda.
- da je ponuda ponuđača Bunjo d.o.o., Sarajevo prihvatljiva.
- da ponude ponuđača ASA PVA d.o.o. i AC QUATRO d.o.o. nisu prihvatljive iz sljedećih razloga:

U skladu s članom 68. stav (4) tačka i) Zakona o javnim nabavkama ponude nisu potpune i ne ispunjava zahtjeve iz tenderske dokumentacije tj. ponuđači nisu dostavili izjave navedene u zadnjem pasusu tačke 6. tenderske dokumentacije koji se odnose na potkriterije za dodjelu ugovora vezano za rok izvršenja usluge, operativne troškove i postprodajni servis i tehnička pomoć. S tim u vezi ugovorni organ nije imao mogućnost da izvrši bodovanje za navedene potkriterije iz tenderske dokumentacije.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, sekretar Doma naroda nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

- Ekonomski najpovoljnije ponude odnosno broja bodova izračunatih na temelju kriterija utvrđenih u obavještenju o nabavci i tenderskoj dokumentaciji, kako slijedi:

R broj.	Ime ponuđača	Cijena/broj bodova	Rok izvršenja/broj bodova	Operativni troškovi/broj bodova	Postprodajni servis tehnička pomoć/broj bodova
1	Bunjo d.o.o.	8,20 KM bez PDV-a/45 bodova	1 dan/20 bodova	3,5 km/15 bodova	12 mjeseci/20 bodova
2	AC Quattro d.o.o.	-	-	-	-
3	ASA PVA d.o.o.	-	-	-	-

Naziv / ime ponuđača	Ukupan broj bodova
1. Bunjo d.o.o.	100,00

Iz navedenih razloga, primjenom člana 64. stava (1) tačka a) i člana 70. Zakona o javnim nabavkama, te člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, odlučeno je kao u dispozitivu odluke.

POUKA O PRAVNOM LIJEKU:

Protiv ove odluke može ce izjaviti žalba, najkasnije u roku od 5 (pet) dana od dana prijema ove odluke.

Dostavljeno:

- Sekretaru Doma naroda,
- Bunjo d.o.o., Sarajevo, Alipašina bb Sarajevo,
- AC QUATRO d.o.o., Put Života 1, 71 000, Sarajevo,
- ASA PVA d.o.o. , Bulevar Meše Selimovića 16, 71 000, Sarajevo
- Komisiji za provođenja postupka javnih nabavki Doma naroda,
- Službi računovodstva,
- a/a.

SEKRETAR
DOMA NARODA

Izmir Hadžić

